



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-10442-1-6.1./2024

Datum: 26.06.2024.godine

Mjesto: Sarajevo

Na osnovu člana 70. stav (4), a u vezi sa članom 69. stav (2) pod d) Zakona o javnim nabavkama ("Službeni glasnik BiH", broj: 39/14 i 59/22), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. stav (1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo i Zapisnika o pregledu i ocjeni ponuda sa preporukom Komisije, broj: 7882-1-1/2024 od 13.06.2024. godine, Uprava Društva na 18. sjednici, održanoj dana 26.06.2024. godine, donijela je:

O D L U K U
o poništenju postupka javne nabavke

I

Poništava se postupak konkurentskog zahtjeva za dostavu ponuda javne nabavke roba – pijesak za pjeskarenje (grit), tender broj: UD-7882-1/2024.

II

Postupak se poništava na osnovu člana 69. stav (2) pod d) Zakona o javnim nabavkama ("Službeni glasnik BiH" broj: 39/14 i 59/22).

III

Za realizaciju ove Odluke zadužuje se Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-7748-1-4.4./2024 od 10.05.2024. godine odobrila pokretanje postupka konkurentskog zahtjeva za dostavu ponuda javne nabavke roba – pijesak za pjeskarenje (grit), tender broj: UD-7882-1/2024.

Rješenjem Predsjednika Uprave - Generalnog direktora, broj: 1-8098-1/2024 od 15.05.2024. godine, imenovana je Komisija za nabavke (u daljem tekstu: Komisija) koja je provela predmetni postupak javne nabavke.

Obavještenje o nabavci je objavljeno na portalu javnih nabavki dana 23.05.2024. godine pod brojem: 1050-7-1-122-3-80/24. Sažetak obavještenja o nabavci objavljen je u „Sl. glasniku BiH“ broj: 37/2024 od 31.05.2024. godine.

Na osnovu člana 63. Zakona o javnim nabavkama ("Službeni glasnik BiH", broj: 39/14 i 59/22) (u daljem tekstu: Zakon), Komisija je dana 10.06.2024. godine u 11:00 sati, izvršila javno otvaranje ponuda. Do roka određenog za prijem ponuda, blagovremeno je zaprimljena 1 (jedna) ponuda, i to:

1. Ponuda ponuđača „GTP PRODUKT“ d.o.o. Busovača koji je ponudio sljedeće:

- Cijenu: 18.000,00 KM bez PDV-a, odnosno 21.060,00 KM sa PDV-om,
- Uslovi i način plaćanja: 100% avans,
- Rok isporuke: 2 dana od dana izdavanja narudžbe od strane kupca.

Komisija je izvršila pregled i ocjenu pristigle ponude, te utvrdila sljedeće:

Ponuda ponuđača „GTP PRODUKT“ d.o.o. Busovača je ocijenjena kao neprihvatljiva i nepravilna na osnovu člana 2. stav (1) tačka 1) pod 1) i 2) Zakona, iz sljedećih razloga:

- Nije dostavljeno Pismo ponude traženo tačkom 2.1. konkurentskog zahtjeva za dostavu ponuda,
- Nije dostavljena Potvrda ponuđača da pijesak za pjeskarenje (grit) u potpunosti odgovara navedenoj tehničkoj specifikaciji, koja mora biti potpisana i ovjerena od strane ovlaštenog lica ponuđača, tražena tačkom 2.2.9. a) pod 1) konkurentskog zahtjeva za dostavu ponuda,
- Nije dostavljena Potvrda ponuđača da je pijesak za pjeskarenje (grit) u potpunosti ekološki prihvatljiv, i da ne utiče na zdravlje ljudi i zaštitu čovjekove okoline, koja mora biti potpisana i ovjerena od strane ovlaštenog lica ponuđača tražena tačkom 2.2.9. a) pod 2) konkurentskog zahtjeva za dostavu ponuda.

Obzirom da ponuda ponuđača „GTP PRODUKT“ d.o.o. Busovača nije potpuna i ne ispunjava zahtjeve iz konkurentskog zahtjeva za dostavu ponuda, ista se na osnovu člana 68. stav (4) tačka i) Zakona odbacuje kao neprihvatljiva.

Cijeneći navedeno, Komisija je utvrdila da nisu ispunjeni zakonski uslovi za nastavak postupka i dodjelu ugovora, te je u skladu sa članom 19. stav (1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo, dala preporuku Upravi Društva za donošenje Odluke o poništenju postupka javne nabavke roba – pijesak za pjeskarenje (grit), tender broj: UD-7882-1/2024 na osnovu člana 69. stav (2) pod d) Zakona, jer primljena ponuda ponuđača „GTP PRODUKT“ d.o.o. Busovača nije prihvatljiva.

Nakon provedenog postupka, te Zapisnika o pregledu i ocjeni ponuda sa preporukom Komisije, broj: 7882-1-1/2024 od 13.06.2024. godine, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 5 (pet) dana od dana prijema iste, a u skladu sa članom 99. i 101. Zakona.

Dostavljeno:

- Željeznički operator,
- Sektor za nabavke i prodaju x2,
- Sektor plana, analize i raspoređivanja prihoda,
- Ponuđač,
- Uz Zapisnik,
- a/a.

Po ovlaštenju VD Predsjednika Uprave-Generalnog direktora
broj: 1-9682-1/2024 od 10.06.2024. godine

VD Izvršnog direktora za poslove željezničke infrastrukture
Kozina Mario, dipl.ing.prometa

